


工部
造作一
造作二
役使




工部卷之一

造作一

段足

段足

典章五十八
雜造



至元新格

十一款

諸營造皆須視其時月計其工程日驗月

考毋使有廢惟夫匠疾病雨雪妨工者除之其監造官仍
須置簿常切拘檢當該上司時至點校不致靈延月日久

占夫工

諸造作物料須選信寔通曉造作人員審核相應方許申
索當該官司體覆者亦如之有冒破不寔計其多少為罪
已入已者驗數追賞

諸造作官物工畢之日其元給物料雖經覆寔而但有所餘者須限十日呈解納官限外不納者從隱盜官錢法科諸局定課定合造物色不許輒自變移有

上位處分改造者即以見造生活比筭元關物料少則從寔開撥少則依數還官

諸局分造作局官每日躬親遍歷巡視工部每月委官點檢務要造作如法工程不亏違者隨即究治其在外局分本路正官依上提點每年各其工程次第申宣慰司移關工部照會工部通行比較季一呈省比及年終俱了要畢毋致亏欠行省管下局分准此

諸營建官舍其所委監造人員皆須躬親指畫必要每事如法一切完牢若歲月不多未應損壞而有損壞者並將監造人員當該工匠檢舉究治

諸官司器物損壞不堪修理者差官相驗是寔方許易換若已給新物其故物十日以裏即須還官發下各屬隨宜

備用不堪作數者赴官呈驗不須開寫名色虛掛父籍銅鐵

作銅鉄收竹木之器作以薪用

諸造作支破錢物工畢之日其親臨提司即須拘集當該官吏一一照算完備本司檢勘無差合除破者依例開申除破合還官者從寔解納還官毋使隔越歲時致難理算

諸營造合用諸物先儘官有見在其不足之數有可代之而價不亏官者申稟折支

諸隨路如遇橫造軍器諸物其一切所須必要明立案驗選差好人置簿堂官工畢之日隨即照算元收已友見石數日本路正官体校是實開申合于部分照會

諸隨路每年該值水害凡可疏通閉塞修完去處當該上司須於農隙之時委官預為踏視相其地宜料其工物若役人數少不動官錢聽差近民隨即修理必支錢動眾者速申合屬上司比至來年春作之前併工須要了畢餘修作應動民力者准此其事須急差不拘此例

預支人匠口糧大德七年十二月初二日江西行省准中書省咨該御史臺呈山北遼東道廉訪司申照得中書省

奏過事內一件匠人每納了生活後頭驗取附總支與糧有這般呵匠人每生受上下半年糧預先支與呵不做生活更推甚麼工部官人每這般說有依着他每的言語與呵怎生奏呵與者

聖旨了也欽此巡歷至平滦路照刷出文卷內放支訖軍器局人匠大德四年大德五年工糧中間恐有尅落不行盡實到民送工部照得諸局院人匠工糧自元貞二年依准戶

部開除上半年預借一半外下半年工糧年終據照納獲收憑完備貼支令各路婁廉幹正官與本局官一同唱名給散仍令本道廉訪司嚴加体察相應都省議得今後諸局院造作人匠週歲工糧欵依元奉

聖旨上下半年預先支給本年合造生活比及年終須要齊足但有拖欠工程從提調官追糧斷罪除外咨請依上施行毛段上体織金中統二年中書右三部承中書省劄付欵奉

聖旨今後應織造毛段子体織金的上頭素的或綉的者并但有成造箭合刺兒於上体得使金者欵此

段足折耗准除至元二十三年九月江西行省近為織造段足内紵絲六托每用正絲四十兩得生淨絲三十六兩八托用正絲五十三兩得生淨絲四十七兩七錢別無除豁續頭剪接折耗經線体例移准 都省咨該送工部照勘到織造段足續頭剪接折耗体例依數准除相應仰照驗

八托每段折一兩 六托每段折七錢

講究織造段足元貞元年二月中書省照得至元三十一年六月初九日暗都刺叅政曾兒火者尚書奉

聖旨在先

老皇后在時節

諸王的常課段七八托家更寬好有來如今更短窄了有則你提調整治者

聖旨了也欽此劄付工部將作院講究到造作段足不便合行

更張事件于十一月二十六日

奏過下項都省除外咨請欽依施行

一件江南在先七萬足六托的常課段子織造有來於的尚書省官人每一萬足交依舊織造六萬足交做六托半和買紵絲呵增餘二萬足段子麼道交那般行來如今俺商量得用着和買段子呵和買

也者則依在先體例裏交織六托常課段子呵怎生奏呵那般者

聖旨了也

一織造段足的絲分付與匠人打絡時分脚亂絲等十分中一分折耗自前至今數日裏除陪有來尚書省官人每忻都等折算折耗的不合除破合追陪織造絲綉用度

上位奏了交那般行來他每勾當時分也不曾追得完備俺也不曾追得盡雖有些小追不盡的不成用空打算做了拖欠有工部官人每理會的每說有十分

中一分折耗的是自前起立定的体例有來修理
机張等用的什物也那裏頭破出有匠人每此小
費用了的也不無也者則交依在先体例稟行呵
怎生奏呵那般者

聖旨了也

一件一疋紗十兩絲一疋羅一斤絲物料自是先立定
的有來前省官人每一疋紗交做八兩一疋羅交
做十三兩如今工部官人每并管匠頭目等說稱
比及打絡過折耗了不勾有依在先的体例裏行
呵怎生說有俺商量來依着他每的言語行呵怎

生奏呵少與呵不宜與到者

聖旨了也

一件各處有的匠人每裏頭與民一体差夫有不交差
呵怎生工部官人每說有俺商量來和准和買依軍站
体例當者局院裏造作的匠人每裏頭依着他每
的言語不交差夫呵怎生奏呵那般者

聖旨了也

一件為分揀應有造作生活好歹体覆糾料盡寔使用
不使用的更官司和買的呵估計價鈔上先立着
覆寔司衙門來在後尚書省官人每罷了衙門如

今工部官人每說用着的衙門有俺的主事等人
每裏減了交那俸錢立覆寔司衙門呵工部戶部
裏餘剩的人每裏頭減了立覆寔司呵怎生奏呵
那般者

聖旨了也欽此

織造金段足例元貞二年七月行中書省准中書省咨欽

奉

聖旨節該多人穿的段足綾上交織金紵絲上休交織金者麼
道欽此
都省除外合行移咨通行各省常課局院欽依施行

綜線機張料例袁州路申奏到 江西行者劄付坐到機
張綜線合用絲線料例仰更為照勘如無重冒依例放支
造作施行

熟機每張用泛子一十二觔每片用熟線一兩七錢
五分花機每張用熟線一十五兩二錢八分二厘二
毛五絲

過線每副用熟線二兩九錢五分

墜線每副用熟線四兩五分四厘

雲肩欄神机一張用熟線七觔三兩二錢

花渠一副用熟線一觔一十二兩六錢

大花渠八板用熟線一十三兩六錢

小花渠六板用熟線一十五兩

直線用熟線一十五兩

大花直線八板每板用熟線六兩五錢

小花直線六板每板用熟線三兩

過線

大花過線八板每板用熟線一兩二錢

小花過線六板每板用熟線六錢

關防起納足帛大德三年二月江西行省准 中書省咨

戶部呈萬億賤源庫申本庫每年收受各處行省木綿布

足不下五十餘萬近收到江浙行省木綿布足兩頭俱無

條印亦無元收樣製本庫止是從寔收受切恐沿路以長

為短以踈為密因而作弊今後各處行省起納木綿布足

須要足端兩頭用使條印關防仍將元收樣製發下本庫

依上收受于官有益本部叅詳如准所擬移咨各省今後

起納足帛兩頭用條印關防解納相應具呈照詳都省准

擬咨請依上施行

類吐絲價大德五年三月十日江西行省據江州路申

匠戶蘇德遠告本路大德三年得到類吐絲數坐下價錢

類絲每觔中統鈔五兩六錢吐絲每觔中統鈔一兩每依

龍興路價錢類絲每觔中統鈔三兩二錢吐絲每觔中統鈔八錢同易還官等事得此照得先准 中書省咨一款該週歲額造段足合有吐類絲變賣作鈔以十分價錢內際留八分修理局院机張余者二分准備年終打算人吏紙劄燈油支用若有銷用不吞數目納官送工部照得腹裏局院修補机張什物風雨簾簿人匠夜坐燈油柴炭行移文字紙劄自初俱于脚亂絲內公支收買用度至元二十五年尚書者不准支破盡行追徵勒令人匠梯已出備擬自至元三十一年為始各局合有脚亂絲數照依舊例從寔用度年終考較若有銷用不盡數目拘收納官庶免

逼迫匠人生受本部參詳行省吐亂絲即與腹裏一体若依已擬從公支破銷用不盡之數納官相應都省准呈已經遍下各路依上施行去訖今據見申省府相度各處局分類吐絲價即係在先各路所申即日係價高昂若不定擬歸一變賣慮恐其間巧官作弊今擬依本路元申類吐絲價行下各路自大德五年為始變賣作鈔依例施行外仰依上施行

類絲每觔中統鈔四兩八錢 吐絲每觔中統鈔八錢
選買細絲事理大德五年十月湖廣行省准 中書省咨
近據工部呈江浙行省局院造到大德四年夏季段足數

內辨驗出粗縲低歹不堪三千八百餘段已經發回本省
取問數調提官并局官及勒令回易自備工價倍賞去訖
照得織造段足全籍正絲為本其次上等顏色監責手高
人匠打絡變染織造必無低歹近年以來各處局院凡開
絲貨雖令選擇上等細絲其收差庫官止是挨陳放支不
令揀選及有折耗舛重又知得各虛行省和買絲貨去處
官府上下權豪勢要之家私下賤買不堪絲料逼勒交收
高擡時估取要厚利和中入官以致所造段足低歹若不
嚴行禁治深為未便都省議得今後局院合關正絲須要
各路官司預為遍曉人戶令依鄉原例起時抽縲冷盆上

等細絲納官庫官另行收頓以備選擇關發行者和買絲
料者官一員提調官監勒深知造作人員辨驗上好細絲兩
平收買毋致泛濫仍照依累行事理設法拘鈐當該局官
人等如法織造務要堪好如官府上下權豪勢要之人似
前私下攬納事發到官痛行追斷除已劄付御史臺体察
外咨請依上施行

段足舛重 大德七年十二月初二日江西行省准
中書省咨近為各處行省并腹裏路分解到

諸王百官常課金素段足雖稱委官辨驗堪中別無開封各
該舛重料例不見有無短少經線者會工部今後應收段

尺依例秤盤比料開具寔收勛重呈省作收去後回呈除
腹裏路分就行照會外據會各處行省宜從都省提調有移咨依上施行
具呈照詳都省除外咨請照驗今後會各處提調官督責
局官人等親臨監視人匠如法織造無粉糲勻密迭就堪
好段尺開其各各勛重料例解納施行

禁織龍鳳段尺至元七年尚書刑部承奉尚書省劄付議得
除隨路局院係官段尺外街市諸色人等不得織造日月
龍鳳段尺若有已織下見賣段尺即于各處管民官司使
訖印記許令貨賣如有違犯之人所在官司究治施行
禁治純薄段帛至元二十三年三月初九日中書省

奏過事內一件會驗先欽奉

聖旨節該隨路街市買賣之物私家貪圖厚利減尅絲料添加
粉飾恣意織造純薄窄短金索段尺生熟裏絹并做造藥
綿織造稀疎狹布不堪用度今後棟選棟堪中絲綿須要
清水夾密段尺各長五托半之上依官尺濶一尺六寸并
無藥絲綿中幅布尺方許貨賣如是依前成造低歹物貨
及買賣之家一体斷罪其物沒官欽此累經立限遍行禁
治有司弛廢不為時常檢舉下民因緣減裂若不再行定
限明示罪名切恐諸人枉遭刑憲都省議得遍行各路文
字到日製造不依式樣條印發付各處稅務收掌限三十

日店舖之家即將見有不依式樣紙薄窄短尺段藍絲藥
綿等物須要經由各處稅務使訖上項條印方許發賣限
滿却行拘收元發條印當官毀壞仍令机戶之家將見使
窄狹等口亦依限內盡要倒換依式迭幅闊新等口織造
須要清水夾密迭幅尺綾羅段尺絀絹中幅布疋元藥絲
綿等物仍令本處管民達魯花赤長官不妨本職常切用
心提調如限外違犯之人捉拿到官決杖五十七下其物
沒家止坐見發之家親民司縣提調正官禁治不嚴初犯
罰俸一月再犯各決二十七下三犯別議親民州縣與司
縣同仍標注過名任滿于解由內明白開寫以憑定奪外

路府州達魯花赤長官不為用心提調致有違犯罰俸二
十日再犯取招別議定罪

御用段疋休織元貞二年二月初二日中書省准蒙古文
字譯該中書省官人每根底不花帖木兒言語

上位穿的一般段疋不揀那裏休織造者衆人根底都省論
者麼道

聖旨了也欽此

禁織大龍段子大德元年三月十一日不花帖木兒
奏街市賣的段子似

上位穿的御用大龍則少一個爪兒四個爪兒的着賣有奏

呵暗都刺右承道 尚書兩個欽奉

聖旨胸背龍兒的段子織呵不礙事教織着似咱每穿的段子織纏身上龍的完澤根底說了各處遍行文書禁約休織者欽此

禁織佛像段子 大德九年十月十九日湖廣行省准

中書省咨該宣政院呈大德九年八月初二日忽都答兒怯薛第二日

水晶殿內奏時分火者小羅有來本院官阿思蘭宣政院使乞失迷兒同知桑哥答思同知忽都禿忽里副使闊出同簽謹敷同簽等

奏過事內一件街下織段子的匠人每織着

佛像并西天字段子貨賣有那般織着

佛像并西天字的段子賣與人穿着行呵不宜的一般有奏

呵奉

聖旨怎生那般織着賣有說與省官人每今後休教織造

佛像西天字樣的段子貨賣者欽此

禁軍民段足服色等第 大德十一年正月江浙行省准

中書省咨戶部呈承奉中書省判送本部據大都申街下小民不畏公法恣意貨賣紕薄窄短金素段足藍絲藥綿稀疎紗羅粉飾絹帛不堪狹布欺謾賣主擬合欽依已降

聖旨禁治本部呈奉都堂鈞旨已關刑部各道宣慰司并下各路依上施行外叅詳行者管下路分貨買織造紕薄窄短段疋等物宜從都省移咨各處行者欽依一体禁治相應具呈照詳覆奉都堂鈞旨送戶部與工部一同講議明白擬定連呈奉此照得先據大都路申亦為前事會驗到至元二十年奉戶部符文承奉中書省劄付欽奉

聖旨隨路街市

見紕薄段帛例至

別議定罪已經出榜依上施

禁

治外據店鋪見有不依式樣紕薄窄短段疋藍絲藥綿等物合令大都路依已行製造不依式樣^條印于上行使立限一百日須要發賣盡絕督責應有机戶之家將見使窄狹

苧口增添幅闊織造清水夾密依式樣疋帛無藥絲綿等物兩平發賣違犯者依例斷罪相應呈奉中書省判送原呈批奉都堂鈞旨准呈連判戶部依上施行就關刑部照會奉此除遵依外據行省管下路分貨賣織造紕薄窄段疋等物宜從都省移咨各處行者准依一体禁治再行具呈移准工部關照得至元十八年十二月十二日承奉中書省劄付照得先欽奉

聖旨節文隨路織造段疋布絹之家今後選揀堪中絲綿須要清水夾密并元藥綿方許貨賣如是成造低歹物貨及買賣之家一体斷罪外據諸人見紕薄窄短段疋布絹令所

在官司取會見數立限發賣限外發賣者其物沒官仍約量斷罪欽此本部講議得係官段疋例織造幅闊一尺四寸長五托之上准擬禁約去後今體知得各處貨賣段疋布絹等物俱各粉飾低歹窄狹不依元行織造蓋是各管官司不為用心禁約織造都省除已劄付御史臺行下各道按察司體覆外行下各路多出文榜嚴加禁約織造段疋布絹之家選揀堪中絲綿須要清水夾密織造每疋各長二丈四尺四寸並無藥絲綿方許貨賣如是依前成造低歹窄狹粉飾物貨及買賣之家一體斷罪其物沒官于犯人名下約量追賞又至元二十三年二月初九日

奏過事內一件麥木丁右丞錢帛數目省得底言語奏呵那般者麼道

聖旨了也欽此都省因議得事內一件紕薄段疋布帛藥綿等物會驗至元七年閏十一月十五日承奉中書省劄付該議得除路局院即于各處管民官司使訖印記許令貨賣如有違犯之人所在官司就便究治至元十年五月二十一日中書省咨照得先為諸人織造銷金日月龍鳳段疋紗羅街貨下賣雖曾禁約切恐各處官司禁治不嚴今議得若有今街市已有造下挑綉銷金日月龍鳳肩花并段疋紗羅等截日納官外寔支價已後諸人及各局人匠私

下並不得再行織綉挑銷貨賣如違除買賣物價沒官仍
將犯人痛行治罪元貞元年十二月二十七日承奉中書
省劄付准蒙古文字譯 見織造金段例 照得諸局院造納
段疋內

諸王百官長八托六托段疋各幅闊一尺四寸常課長六托
段疋幅尺闊一尺四寸照堪得既是

上位用八托六托段疋各幅闊一尺四寸五分諸人所用理
應 等今既諸局院見造常課例每疋長二丈四尺幅闊
一尺四寸亦係諸人服用之物所據街市段疋紗羅綾絹
擬合一体仍禁治紕薄窄短選揀堪中絲綿清水織造夾

密貨賣及不許織綉銷金日月龍鳳等花樣顏色欽依遍
行禁治相應緣在先欽奉

聖旨每疋各長五托半之上闊一尺六寸宜從都省定奪

聞奏今將合禁事理間坐前去仰多出文榜遍行合屬依上

禁治施行

顏色 柳芳綠 雞冠紫 迎霜合

梔紅 紅白閃色 胭脂紅

五爪雙角纏身龍 五爪雙角雲袖襪

五爪雙角荅子等 五爪雙角六花襪

禁治花樣段疋延祐六年九月行省准 中書省咨工部

呈准將作院閔延祐五年十一月二十七日本院官哈廳
不華院使野粟院使對徽院官識烈門院使迷撒承旨敬
奉

皇太后懿旨今後但犯

上用穿的真紫銀粧領袖并天碧織綉五爪雙角龍鳳搭子等
花樣您將作院管着的匠人每根底好生的嚴禁治者不
屬您管着的與省部家文書各處禁治者已先降樣子織
造來者交用者今後織的匠人每穿的人每好生要罪過
者麼道
懿旨了也敬此

雜造

靴休畫雲龍犀至元七年十月大府監備羣牧所提點焦
鼎等欽奉

聖旨以下衆多人騎乘靴履教畫虎兕兕者雲彩龍兕犀牛
休畫者欽此

磁器上不用金至元八年御史臺承 尚書省劄付欽奉
聖旨節該今後諸人但係磁器上並不得描金生活教者裏遍
行榜文禁斷者欽此

解錐休做龍頭至元八年六月御史臺奉 尚書省劄付
該五月二十日准蒙古文字譯該尚書省官人每根底字

大王每底公主駙馬每底局分物料要了他每交織的明白
有除這的外但是賣的下棟誰的有呵金段子不交織不
交拍金銷金的根底也交罷了器盒上不交鍍金這的外
根底裏交罷了呵一二年裏金衣服也不落後也者見有
的金段子根底休交賣麼道奏呵奉

聖旨這裏的怯薛弓每根底怎商量來回奏怯薛弓每又千
戶每百戶每底已外回回漢兒每根底不交穿麼道來如
今見他的金衣服有也者起根兒織的根底交罷了呵不交
賣呵一二年裏穿破了者麼道奏呵奉

聖旨那般者又奏樂人每娼妓每賣酒底每等這底每底有金
的根底每交斷了這裏承應底每金的也有金的根底斷
了他每的顏色着顏色對附了交承應呵怎生麼道奏呵
奉

聖旨那般者欽此都省今逐一開坐于後咨請行下合屬多出
榜文欽依施行但有違犯之人許諸人告捉到官取問得
實犯人依例斷罪其所獲物件給付告人充賞如應捕人
知而不捕或捕獲受財脫放與犯人一体斷罪施行

一係官

諸王公主駙馬局分子官閹支草金物料依舊織造者不在
禁斷之限其餘諸色人等不得織造有金段子貨

賣

一開張舖席人等不得買賣有金段足銷金綾羅金紗等物及諸人不得拍金銷金裁撚金線

一佛像佛經許用金外其餘諸人並不得于造到一切物件上費用下項金課

粧飾

鍍金 呀金 投金 沉金 鏤金 撚金

搶金 圈金 貼金 裹金 嵌金

一諸倡優賣酒座肆人等不得穿着有金頭面釵釧等物

禁造異樣生活至元二十九年閏六月二十七日江西道

廉訪司申奉行御史臺劄付人匠提舉崔世榮首告採

御膳使臣阿迷奴丁成造去龍鳳樣製床一張未知曾無

進獻除外今後出使人員非奉

上司文字所在官司並不得隨從成造異樣生活仰照駭施行

不得帶造生活至元十九年十一月御史臺咨奉

中書省劄付八月二十五日本省官

奏管諸監的官人每匠人每根底他每的生活休帶造者在
前這般

聖旨有來如今又帶造有今後休帶造者
聖旨了也欽此

雜造物料各局自行收買大德七年十一月江浙行者准
中書省咨工部呈據河南道奉使宣撫呈各處和買應
應付軍器物料擾民不便畧以河南府申年例成造各色
衣甲五百八十七副元撥皮匠人等二百四十戶全免差
稅每處支請工料四千餘石專一成造衣甲合用馬牛皮
貨顏色物件不係出產椿配州縣家至戶到或着馬皮一
觔二觔物料或三兩四兩雖是估體價錢又經貪饕官吏
弓手不能盡寔到民如得價一分其納之物已費相陪必

移合屬照會外據各道行者宜從 都省移咨以上施行
准此省府仰行下合屬厘勒正官一員提調若有衝缺堤
岸須趁農隙之時修理堅完預防水患毋得失時虛費民
力動搖違錯

道傍等處栽樹延祐元年正月 江浙行者准

中書省咨大司農司呈會驗欽奉

聖旨節該隨路達魯花赤管民官管軍官管站官人匠打捕鷹
房僧道鑿儒也里可温荅失蠻諸色人等自大都隨路州
縣城廓周圍并河渠兩渠急遞鋪道店棚畔各隨地宜官
植榆柳槐樹令本處本官提調點護成樹係官栽到者營

修堤岸橋道等用度百姓自力裁到者各家使用委自州縣正官提點春首裁植務要生成禁約蒙古漢軍探馬赤權豪諸色人等不得恣縱頭足咽咬亦不得非理研伐違者各路達魯花赤管民官依

條治罪欽此已經遍諭外合行已久例合舉行移准上都分司咨皇慶二年七月二十一日也可怯薛第二日

大安閣後香殿內有時分^特連古兒赤野訥院使光兀兒不花等有來本司曲木大保買住國公三間司農明理董阿大卿王大卿析都少卿喜哥少卿其駘司丞暗明刺減里都事等

禁做金翅雕中書省大德十一年九月初九日特奉

聖旨隨路管匠頭目根底匠人每根底者諭者玉金子琥珀不揀甚麼休做金翅雕者做的匠人帶的人每有罪過者麼道

聖旨了也欽此

禁金翅雕樣皮帽頂兒至大元年二月行臺准御史臺

咨承奉

中書省劄付刑部呈將作院諸路金玉人匠總管府呈大德十一年九月初八日本府達魯花赤奉別不花平章鈞旨欽奉

聖旨道與馬家奴金翅雕樣排花金翅雕樣皮帽頂兒今後休交做休交諸人帶者做的人根底要罪過者帶着的人根底奪了要罪過者欽此

禁異樣皮帽至大元年閏十一月 御史臺咨承奉

中書省劄付准中書省咨刑部呈准上都留守司兼本路都總管府閏五月二十八日未時有本司官欽奉

聖旨這個縫皮帽的人

刀不剩駙馬根前

我帶的皮帽樣為甚麼縫與來麼道今後

我帶的皮帽樣子街下休交縫者這縫皮帽底人分付與留守

司官人每好生街下號令了呵要罪過者

聖旨了也欽此

禁斷金箔等物斷例至大四年中書省咨三月十八日欽奉

詔書內一款去奢從儉阜財之源今後除係官局院外民間製造銷金織金及打造金箔並行禁止違者嚴行斷罪其物沒官欽此除欽遵外切恐有不畏公法之人貪利暗行製造冒觸刑憲奉 都堂鈞旨今後敢有違犯許諸人首捉到官賞至元鈔一定于犯人名下追給正犯人斷決六十七下兩鄰知而不首決四十七下其物沒官送刑部就

便出榜依上施行去後今後刑部呈除大都南北西城并直隸省部路府州縣依上出榜禁止外據各處行者所轄去處宜從都省移咨各省一体出榜禁治相應具呈照詳都省准呈依上施行

工部卷之二

典章五十九

造作二

橋道
船隻

公廨

橋道

修理橋梁渡船至元五年八月中書右三部呈奉 中書省劄付為隨路官錢議到事理內一款蓋起橋梁造船仰各路拘該驛路橋梁自五月一日合拆卸時分令縣尉并設簿尉去處依時拆卸如有缺員委自上官兼管將木植等物備細數月移牒本縣簿尉于高阜處苫葺頓無致糟爛漂流遺失候八月一日搭盡須要如法堅固不致墊塌損壞令長官常切檢校若是年深委有損壞照勘是

何年分修蓋到今歲年合行修理隨即預為計料工物申覆本管上司委官覆料寔用工物價值從本管上司保結預為申部呈省定奪許准明文放支修造毋得擅支官錢據渡船若有損壞修造毋得擅支官錢合用工物亦仰依上預為計料申修

修理道路堤岸至元八年八月尚書省據大司農司呈都水監申會驗 中書省奏奉

聖旨數內一款節該都水監所管河渠堤岸通路橋梁每歲修理欽此除欽依外照得舊例九月一日平治道路令佐式官監督附近居民修理十一月一日使畢其要道陷壞停

水及度行旅者不拘時月量差本地分人夫修理仍委按察司以時檢察今已相近九月須合預為申覆乞行下各路平治事省府除已劄付大司農司就便行下各路依一施行仰行移各道提刑按察司檢察施行

修城子無体例至元十五年十月江西行省准樞密院咨奉 中書省劄付江州路申目今草寇生發合無于江淮一帶城池西至峽州東至揚州二十二處聊復修理斟酌緩急差調軍馬守禦似為官民兩便承此移准上都樞密院咨八月十二日本院官與阿木丞相一同

聞奏過奉

聖旨待修城子裏無体例欽此

〔体察修築堤堰〕至元二十一年二月准御史臺咨該准

御史中丞崔少中牒古人防患其慮甚長有預備于千萬年之久者無職之人指為遷闊因循不治患出倉卒無可奈何謂如諸處防河堤堰損代施工不問水旱常切完備近年以來諸處河流大者淺縮小者乾涸人習見此以為常然遂不以漲溢為慮隄防缺廢久不增築今年大小河流汗漫衝役舊堰田野人煙湮沒者多此由平日但須目前不慮後患之故今合于農隙之時委各路總管以致州縣長官各各督察管內堤堰等事應瀕河舊有堤堰去處

差廢附近人夫修築廢缺如有功績不徧致令今後飄流居人任滿于解由內開具到部之日約量大小責罰仍委各道按察司常切覺察似望有積年之防無一朝之患牒請照驗准此呈奉

中書省劄付送工部議得若令各路總管并州縣長官提調修築及令各道按察司常切覺察似為相應得此 都省議得諸處堤堰令各路總管并州縣長官提調常切驗視但有損壞即便修完如有不為用心致令缺壞滄沒民田令各道按察司糾察是寔取招申上事輕約量責罰事重別行議罪除已劄付工部行移合屬照會外仰依上施行

修築堤岸防水大德二年九月湖廣行省准 中書省咨
據工部呈准都水監閔奉省劄定例本監合行事內一項
沿江州縣官司凡橋梁堤岸損壞為不修視及修而失時
或虛費人工而不堅固以致為害者仰本監就便究治奉
此照得防禦水患誠為重事累經遍行預為修理去訖令
各處官司看為細務農隙之時不行規措直至農忙水發
為害才行申報雖是差官馳驛相料修理且救一時之急
終不堅固以此每歲妨集農務虛勞民力深是未便擬合
遍行各處厘勒正官提調任其事今後遇有合修去處須
趁農隙之時修理堅完預防水患寔為便益准此除已行

預計會局官庫子人等恣意刁蹬多餘取受少有相違揀
擇退換不收本色却要輕賚歲以為常民受其弊又照得
上都大都宣德隆興大同等處局院合用物料有司估體
價錢責付各局自行收買等事參詳若依此例每年諸路
常課會計合用物料有司估體寔值價錢預為全數放支
責付各色局院作頭人等自行收買用度寔為官民兩便
照堪議擬呈省奉此照得宣德隆興等處局院常課軍器
雜造物料年例有司照依彼中時估價體寔值價錢放支
今各局自行收買造作今准前因本部參詳諸路常課物
料如准河南北道奉使宣撫所擬照依宣德等處例若令

有司比及年終先將下年合用物色估體寔值價錢預為
放支責付各局自行收買用度寔為官民兩便具呈照詳
都省准

新樣帽兒休造大德元年九月江西行省准

中書省咨利用監呈雜造局申本司官王承直成

上位新樣黑細花兒斜皮帽兒一個進獻

上位看過欽奉

聖旨今後這皮帽樣子休做與人者與人呵你死也如今街下
休做者做的人帶的人交扎撒裏入去者
聖旨了也欽此

奏過事內一件節該

世祖皇帝時分隨路州縣城廓周圍并河泊兩岸急遞鋪道店
側畔各隨風土所宜栽植榆柳槐樹令各處官司護長成
樹官民便益

奏呵奉

聖旨那般者你與有家文書教通行者欽此

船隻

和僱船隻先支脚價至元十九年十一月行御史臺劄付
 近為拘刷船隻擾民不便憲臺與揚州行者官議過出榜
 省諭各處官吏上下人等合後須管兩平和僱五六百料
 以下二百料之上堪以裝糧好船先行放支脚價毋得將
 客人裝茶鹽米麵柴薪重船并不得僱覓大小船隻倚恃
 官府一槩拘刷強行剝卸厘勒裝糧使船戶人等至甚生
 受除已暗行差官捉拿外如有違犯之人捉拿到官取問
 是寔定將犯人對衆號令嚴行斷罪仍取所在官司有失
 鈐束招伏究治如此禁約去訖今江得沿河上下官司

差人撥取米麥物斛重載船隻指以僱船為名强行剥卸
拘撮致使客旅不通因而諸物湧貴若不禁約深為未便
仰速為差委能幹人員前去拘該去處暗行体察如有違
犯之人捉拿到官依上嚴行治罪仍取所在官司有失鈐
來招伏申臺

禁治拘刷船隻至元二十年六月行御史臺據監察御史
呈欽奉

聖旨條畫節文所在官司却不得依前强行拘刷船隻搔擾百
姓違如並行究治欽此上年江淮上下及淮浙等處小河
往來客船相望不絕水來諸處官司指以僱船裝載官糧

官物為名故縱公吏祇候弓手人等强行拘刷捉拿往來
船隻僱一擾百無所不為所以客船特少以致物價騰貴
盜賊公行寔與官民為害等事得此憲臺相度仰行下合
屬果若各路起運官物必須本處就便和僱船隻者並依
例兩平和僱先支價錢不得以和僱為名强行椿配拘刷
阻當客旅如有違犯去處今本處糾察施行

余販客船不許遮當至元二十年御史臺承奉中書省劄
付照得近歲天旱中原田禾薄有收物斛價高遮運將販百姓艱食諸

處商賈搬販南米者極多体知得隨處官司遇有遮運將
販賣物斛車船一槩拘撮拖拽以致水陸道路溢滯難行

南北米貨不通民間至甚不便都省除已劄付戶部移咨
行省遍下合屬江淮等處米粟任從客旅興販官司毋得
阻當搬運物斛車船並免遞運不以是何人等毋得拘撮
拖拽仍于關津渡口出榜曉諭如遇乘販物斛船車經過
不得非理遮當搜檢妄生刁蹬取要錢物違者痛行治罪
仰各道按察司禁治施行

禁治拘刷茶船至元二十年九月江西行省咨會驗先欽

奉

聖旨節該今擬江淮設立權茶轉運使司依例辦課勾當諸人
毋得沮壞違者治罪仍仰見管並拘占人員截日交付管

領欽此又照得

中書省降到

條畫內一款該客旅裝載茶貨車船所在官司並不得拖拽
若必合和催直抵發賣地面下卸訖方許和催如違陳告
得實決杖六十因而取受故縱者與同罪如有邀當客旅
拘買取利者杖六十茶付本主買價沒官准此合行咨請
更為行下合屬依上禁治毋得將客旅興販茶貨車船當
攔拖拽攪擾恢辦茶課施行

林拿客人船隻御史臺咨至元二十九年正月十一日

奏過事內一件節該今後官船損壞了呵教所在官司修補

者客人每底船隻休拿者麼道中書省裏說了多出文榜
更省裏臺裏常川差人這船教百姓生受底根底巡緝行
呵便當有麼道奏呵那般者麼道

聖旨了也欽此

禁治拘刷鹽船大德五年三月兩淮都鹽轉運使司牒會
驗欽奉

聖旨條畫內一款節該客旅買到官鹽並官司網運船隻經由
河道其開渡橋梁邀阻者陳告得寔杖一百因而乞取錢
物者徒二年官司故縱者與同罪失覺察者笞五十如有
遮當客旅拘收取利者徒二年鹽付本主買價納官又一

款節該兩淮兩浙運鹽綱船車兩并辦課官吏巡鹽弓手
騎生馬足欽依

聖旨諸人不得奪要拘撮如有違犯之人從行省就便斷罪欽
此據辦課鹽船欽依

聖旨事意施行毋致因而邀阻違錯

船戶攬載立約至元三十一年 月江西行省榜文內一
款今後凡僱乘船之人須要經內管船飯頭人等三面說
合明白寫立僱船文約船戶端的籍貫姓名不得書寫原
籍貫并長河船戶等不明字樣及保結如攬載已後倘有
踈失元保飯頭人等與賊人一体斷罪仍將保載訖船戶

並客旅姓名前往何處勾當置文簿明白開寫上下半月于所屬官司呈押以憑稽考

禁停棹取渡錢大德二年八月行御史臺據監察御史呈鎮江西津渡六月初五日稍水沈興等乘駕渡船滿載過江欲至中流才方停棹勒取船錢不將風篷放落須臾更風雨大來為無防閑以致將船打翻除金山寺救護得活人數外滄死軍民客旅甚衆除已責令當該官司將沈興等加禁取問外者請上項事理事關人命又恐其餘渡口亦有似此刁蹬客旅勒取錢物未便宜遍行禁約憲臺除外合下仰依上嚴加禁治行移合屬一体施行

漕運糧斛船夫大德六年四月日行御史臺准御史

臺咨呈奉中書省劄付戶部呈運糧船戶節次逃亡一千餘戶究其源由蓋因漕運司失于拘鈐縱令網官人等恣意侵漁或將近上有力之家影占不令上船當役或將已招復業逃戶不行申官起遣以致靠損在船人戶本部參詳合令漕運司取勘寔在船戶置簿開寫網官各管船隻料例同船戶花名時復委官點勘若有闕役或破說事故之人先行着落網官僱人代替須要勾捉正身到官斷罪當役受賍者驗賍多寡追斷網官有犯仍除名元逃戶內有已招復業人戶即便發付當該網官收管着船依上附

簿關防每月一次開具元管逃亡復業實在各各戶數不
過次月初十日以裏申報到部以憑差官計點似望少革
網官人等奸貪擾民之弊不致靠損見在當役船戶

都省議得各路元撥船戶軍夫除免差稅官給船隻專一
漕運糧斛別無餘爭近年以來網官頭目中間作弊齊歛
錢物放富差貧及自行代替本官上司亦不點視關防究
問以致如此今後若有違犯許諸人首告取問是實痛行
追斷本管上司失檢舉者亦行治罪除外仰嚴加体察承
此

禁治河渡取要大德七年十二月行臺據監察御史呈會

驗欽奉

聖旨條畫內一款隨路銷驛及關津渡口舟楫橋梁若修治不
如法者及刁蹬行旅一切違枉等事並可糾察欽此除欽
依外切見沿江渡口設立擺渡官船去處其梢水人等往
往刁蹬過往客旅取要船錢停滯人難亦有乘駕船隻直
至中流倚恃險惡勒要錢物停遲不行以致或因潮來或
因風起害傷人命深為利害呈乞照詳行下合屬嚴加禁
治施行憲臺仰行移合屬禁治更為体察施行

揚子江渡江資延祐四年閏正月 中書省劄付江浙省
咨鎮江路西津擺渡船隻事送兵部照擬得江浙行者咨

西津渡係揚子大江險惡衝要去處每年押運金銀寶貨鈔本等物往來公差使臣人等必由此渡倘有疎虞關係非輕先儘見在船隻外更為官與打造船一十隻依例召募慣熟知水勢稍工撐駕遇有押運官物公差使臣及往來官官即與擺渡其餘百姓客旅車騎行貨孳畜依驗舊例定立船資中統鈔五十文擬合作至元鈔數給付一半准備修理船隻一半贍養稍水仍量免推犯夫役却不得多取故意刁蹬違者斷罪令路縣正官每季輪流躬親提調行移鎮江萬戶府止令軍官軍人鎮過不許仍前在江擺渡便益本部議得合移行省所擬都省議得上項事理

擬准渡船一十五隻先儘見在六隻餘上九隻江浙有打造五隻河南省打造四隻稍水一百名各管中下戶內照依弓手例差設遇有大小官吏一切公差者即與擺渡其餘過往百姓客旅依驗每人車騎孳畜各定立船資中統鈔三錢老幼貧窮者毋得取要于內一半修理船隻物件須要如法牢壯完備無致損壞一半贍養稍水止令親臨官司分輪提調設法關防兩岸毋致稍水妄分彼此專一往來擺渡明示板榜禁約不得多餘取要錢數故意刁蹬人難違者不應錢數即便追沒嚴行斷罪若提調官吏分要稍水錢物同取受劄科斷及縱令阻滯經行須不受財

亦仰究問餘准部擬除已移咨江浙河南行省及劄付兵部依上施行仰廉訪司監察御常加体察

禁治搶劫船隻皇慶二年二月 中書省咨來咨叅知政事高中奉咨據按撫使王宣武所言切照澈浦海口乃一衝要之地遠涉諸蕃近通福廣商賈往來舟船若有靠閣有新附軍人落後弟男子姪結連灶戶酒丁惡少潑皮人等糾合成黨各執器械威臨客人白晝搶劫財物比之海賊為惡尤甚違犯之人同強盜法科當該管民官不即掩捕或歸勘不盡不實及鎮守軍官不嚴鹽場官不行鈐束驗事輕重論罪咨請詳酌准此送刑部議得江浙行省咨

據按撫使王宣武所言澈浦海口等處新附軍人弟男子姪結連灶戶酒丁惡少潑皮人等糾合成羣執把器械白晝聚眾搶劫商船財物及拆毀船隻等事以此叅詳今後若有徑過官民船隻遭風着淺拘該地面諸色人等晝即并力救護敢有似前乘時聚眾搶劫財物拆毀船隻之人即將犯人捉拿赴官追問是寔同強盜法科斷當該管民官即不掩捕及鎮守軍民鎮遏不嚴詳場官不行鈐束以致違犯或事發勾追護向占恠者量事輕重論罪仍從行者斟酌瀕海州縣事体緩急防禁出榜遍諭相應具呈照詳得此都者咨請依上施行

〔黃河渡船例〕大德九年九月御史臺咨奉 中書省劄付
河常者咨黃河上下渡口在先年分設立提舉河渡司并
監渡官節次者併告去即日止令親臨州縣官分輪提調
定到船錢分例內一半官為救貯遇船損壞修理一半養
濟水手若蒙設立把渡人員專任其事或都省差官立法
開防唯復本省差人監渡照依洛准已定分例內取要一半船錢相
應咨請定奪准此送兵部呈照得至元二十九年三月二

十一日欽奉

聖旨節該在先漢兗蠻子各另時分委付把渡口的脫、禾孫
來也者如今河渡司要做甚麼用罷了者欽此叅詳河度

官係欽奉

聖旨革罷今後令拘該各路府州縣正官一季輪流躬親提調
先將本管境內河道建橋處依例趁時官為搭蓋令車程
容旅通行不得取要錢物其大河深流巨浸必須用船去
處斟酌宜用堅壯大船召募慣習熟知水勢篙工撐駕從
朝抵暮守渡其船同行使物件須要如法牢壯完備遇有
過往大小官吏一切公差者即與捕渡其餘百姓客旅車
騎行貨孳畜依驗下項定立船資給付水手修造船隻一
切合用付物餘外並不得多取分文及不得故意刁蹬若
有違犯及不應錢數即便追解斷罪別行選人補役仍許

盤問涉疑面生之人若提調官分要水稍錢物同取受例
科斷如或透漏歹人有失覺察知而不問及縱令阻滯經
行須不受財亦行究治從監察御史廉訪司常切糾察如
蒙准呈乞咨行者遍行照會多出文榜于該管沿河上下
鎮店擺渡處所兩岸張掛曉諭通知相應具呈照詳都省
議得除船錢照依定到則例令船主收掌修造船隻置備
什物並贍濟捐水不須官為收貯餘准部擬除已移咨河
南陝西行者照會外今開元定船錢則例于後仰依上施
行

元定到擺渡船錢分例以至元鈔為則

關用不敷或因公宴及使臣安歇一床一車未免假動四
隅科擾百姓乞照詳憲臺仰體覆在前遷轉官員使臣人
等將各處府州司縣係官廨宇館驛園圃亭閣應頓物件
若有借使或私載還家就便追理施行仍行移合屬官司
將應有係官房舍元有什物查照舊來數目委是正官提
調置立文簿拘籍別立什物庫分于上刊寫字號令人專
一掌管依理公用相公交割不得似前搬移時有損壞奉
奉此合下仰照驗施行

修理係官房舍至元二十三年七月行御史臺據浙西道
按察司申照得本道所轄八路係官房舍甚多皆是亡宋

官員解宇及斷沒逃避房屋版附經今一十餘年隨路官司不曾修葺即目多有崩摧去處若不修理久而倒塌損壞官物除已移牒各路將應管係官房舍倒塌去處從寔計料就便申覆合于上司照詳外卑司切詳不惟職浙西一道其江南州郡亦係一体合無遍行合屬計料修理似為不致日久損壞官物憲臺除外仰照驗施行

廉訪分司解宇至元二十九年二月御史臺咨據監察御史呈今体知得各道肅政廉訪分司有於各路總管府置司者於以次解舍置司者照得廉訪分司各路總管府有事務繁簡之異官吏多寡之殊况分司又歷所屬巡按比

及回還徒占官府卑職愚慮整一方鎮靜在乎得人所據分司解宇止可酌中標撥不宜計廳堂之高下廊廡之多少為意也若住占太過恐致後有更移乞照詳施行得此本臺看詳所言甚愜公論若分司於總管府設立者擬合遷置他所為便咨請照驗遍行各道遷置施行

軍民約會解字大德三年十月御史臺咨奉 中書省札付來呈河北河南道廉訪司申今後若有蒙古探馬赤軍人與民相犯一切詞訟合無就有公解約會一同歸問如與魯官吏到來州縣官吏却行遷延將州縣官吏嚴行究治似為便當送刑部議得蒙古軍人與民相犯一切詞訟如

准御史臺所呈就有司公解一同歸問相應 都省准擬
仰依上施行承此

見任官住官舍自合修理大德七年閏五月二十四日准
中書省咨河南行省咨江陵路申遷轉見任官員住坐係
官房舍損壞自備工物修理迺漸倒塌寔為可惜若與各
衙公廨倉庫局院等房一例於係官房地錢內支撥修理
寔為相應咨請定奪准此送戶部照擬得見任官員住坐
官房若有損壞合令各官自備工物修理須要堅完任滿
相公交割如蒙准呈通行照會相應都省准擬咨請依上
施行

官員修理官舍住坐延祐元年承奉 中書省咨來咨劉

景芳陳言亡宋郡守縣令以下各有官舍其基尚在凡有
新官到來必須百姓房內安下及權豪富戶修飾房舍邀
請住坐通家往來敗壞官事乞照亡宋官舍白蓮堂數目
候農隙約量修理並仰新官住坐如此可絕交通之弊看
詳所言甚愜公論咨請照詳准此送據禮部呈劉景芳所
言修理官舍即係行省區處事理合咨行省如不擾民就
便施行再送據戶部呈合依禮部所擬具呈照詳得此都
省咨請依上施行准此照得至大四年九月初六日劉景
芳陳言事內一件亡宋監司郡縣令以下各有官舍其屋

雖撤其基尚存未存修理凡有新官到來必須于百姓房
子內安下有一等權豪富戶之家專一修飾房舍往來計會左
園伺候新官到來百姓延請于家住坐諸事應付通家往
來計會左右揣摩意况大開管事之門交通關節敗壞官
府全無廉恥之心全無管民之分擬定行下各路照勘亡
宋大小官舍地基白蓮堂數目候農隙約量修理今後新
官禮上並邵于官舍住坐不許借百姓房子如此可絕上
下交通之弊得此為是事干通例移咨都省照詳去後今
准前因省府邵依上施行

體察公解大德七年十二月二十一日 行臺准御史臺

咨來咨監察御史呈切見各路州縣亡宋公解年深雖有
損壞不行申准上司公然勾集人戶數派蓋造一切費用
皆取于民百姓無可伸雪廉訪司畧不體察嚴加察治乞
賜通行禁止誠為便益得此本臺看詳今後各處解舍年
深損壞依例修理非奉上司明文無得似前科取於民徧
行添蓋起造擬合禁治令監察御史廉訪司常加體察准
此照得各處修理公解已有定例擅取于民合行究問咨
請照驗施行

禁賣係官房舍大德七年 江浙行省札付近為各道路
州縣所管一應係官房舍基地等項埋沒年深以為已業

逐項情弊多端為此行下各處今後一應係官房舍基地變賣以前私相典賣及以親就買并咨

中書省照驗去後今准咨該送戶部照擬得各處行省所轄去處腹裏路分係官房舍數多江浙行省所言於官便益以此叅詳合准行省所擬遍行各處依上禁治相應都省除外咨請体上施行

禁治占住民居至元二十三年御史臺咨據袁州路總管

張國紀呈會驗欽奉

聖旨節該江南管軍官管民官員不許占住新附民戶房舍田土等事叙奉如此今來國紀照得江南自歸附以來所在

路府州縣有係官房舍往往禮任官員因為官房無主眷守却於民戶處借什物以此故倚氣力一面遽將民戶梯已房舍田園地土占住不惟有妨買賣又且老小出入不便甚至屋^主生什物恃強奪要不敢爭取但是官員占住以後接踵相承視為傳舍上下蒙蔽多不理問委是有違元降

聖旨事意呈乞行下合屬今後遇有禮任官員到來止于係官房舍安治無得似前占住百姓人等房舍事得此咨請遍行合屬体察施行

住罷造作皇慶元年二月江浙行省准中書省咨

八八哈失等廊房等七項造作所用物色數多本省見聞支持咨請撥降鈔定事准此照得至大四年十一月十一日為此附各年支持錢糧費用不敷奏奉

聖旨節該這几年願併聚會田禾也好生不曾收如今大

聖壽萬安寺裏有

世祖皇帝御容那寺好生損壞了有不修理呵不中也者香山寺在前待修理來除這兩個寺外其餘大小造作都交住罷了者麼道

聖旨了也欽此又於至大四年十一月十五日

啟奉

皇太后懿旨節該白塔寺損壞了處修理者道來別待有甚麼合造作的勾當其餘的都住罷了者麼道懿旨了也欽此

住罷不急工役延祐元年七月 江南行臺准 御史臺

咨奉

中書省札付皇慶二年四月二十九日

奏過事內一件近年起蓋寺觀各官房舍勞役軍匠費用財物甚多土木之工寔傷和氣麼道監察每文書裏也說有商量來即日天旱缺食除

內府係官倉庫并必合修理的交修理其餘一切不急之役

截日住罷呵怎生奏呵白塔寺是

世祖皇帝益來的寺不修理怎中

聖旨有呵又奏白塔寺也在必合修理數目內有見行修理有

奏呵那般者麼道

聖旨了也欽此都省仰欽依施行

工部卷之三

典章六十

役使

祇候人

至元新格 二款諸理民之務禁其擾民者此最為先凡里

正公使人等貼書亦同從各路總管府擬定合設人數其

令司縣選留廉能無過之人多者罷去仍須每事設法關

防毋致似前侵害百姓

諸村主首使佐里正催督差稅禁止違法其坊村人戶隣

居之家照依舊例以相檢察勿造非違

祇候不繫只孫裹肚至元二十二年三月江西行者准

中書省咨准伯顏蒙古文字譯該咱每根底行的祇候繫着只畏孫肚繫腰定當外頭民戶每根底有麼道他每的畏肚繫腰拘收如今

諸王諸子官人每的祇候每繫着畏肚繫腰說做咱每根底行的祇候定當民戶的一般有麼道

奏呵安童根底說教行文字拘收者一就休繫者麼道

聖旨了也欽此

差人立限附簿至元二十九年六月行御史臺准 御史

臺咨奉 中書省劄付照得近欽奉

聖旨除免大都路百姓今歲差發稅糧除欽依外即目農事方

人一名鈔一分凡隨挑擔負戴之物及老幼貧窮之人並不計數

重大車一輛鈔二錢 空大車一輛鈔一錢

重馱小車一輛鈔五分 空小車一輛鈔二分

馱子一頭鈔二分 空頭足一頭鈔一分

羊猪五口每鈔二分

河道船隻至大元年五月十三日欽奉

聖旨中書省奏會道河根脚裏為行船底上頭

薛禪皇帝用意動國家氣力交閑挑修理來如今往來行的使

臣每下番去的使臣每各枝兒幹脫每權豪勢要人等到

問根底呵不等候開放的時分使氣力行考看聞的人每

鈔校書籍
頻頻開閘又運官報的船隻水淺了呵河內起築土堤
堰的水深行船的上頭壞了閘的緣故是這的有將那的
每禁治施行

聖旨麼道奏來今後諸王公主駙馬各枝兒往來行的使臣每
幹脫每權豪勢要每下番去的使臣人等又運官糧船隻
到閘根底呵依着在先立定來的體例開閘的時分交行
者道來這般宣諭了似前不待水則使氣力打拷看閘人
等交開閘河內用土築堤壞了閘的人每有呵要罪過者
這般看閘的人每倚着這般宣諭了也麼道合開閘的時
分不開將船裏行的使臣每客旅每交生受要肚皮行呵

他每不怕那監察御訪司官人每常加體察者

聖旨欽此

海道運糧船戶免雜泛差役至大四年二月欽奉

聖旨尚書省官人每奏海道裏官糧交運將大都裏來的最打
緊的勾當有近年以來怠慢了的緣故管民的各投下餉
的官人每水手船戶每根底從寔的不將出來占着雜泛
差役科着又因船隻裏交載運諸雜物件緣故裏水手船
戶每氣力消乏了船隻少了催着船隻裝載官糧那其間
百姓每眼生受的上頭從新萬戶府官人每根底替換了
如今交馬合麻丹的提調哈散忽都魯做達魯花赤王柔

澈浦楊宣慰等做萬戶委付來交戶部暗都刺尚書省提
調

聖旨麼道奏來從今以後海道都漕運萬戶府官人每運糧的
時分諸衙門官吏等不揀是誰他每的勾當其間休入去
者休沮壞者船戶水手每根底里正主首雜差役休交當
者他每的船隻裏除官糧外木植銅錢諸雜物件休交裝
載者官人每將梯已物件使氣力休交載運者修理船隻
所用的木植不揀甚麼出產的地面裏收買的時分管地
面的民官每添氣力收買者船戶每水手每干碍着管民
官的勾當有呵與海道都漕運萬戶府官人每約會一處

問者休經直勾喚者休使氣力者在先籍冊裏入去了的
富豪船戶每受了做官的職名却趨避着將名字更改了
不運糧的人每根底要了罪過交做船戶者行者官人每
答失蠻沙不丁兩個提調着宣慰司官人每隨路達魯花
赤提管每添氣力提調成就者水脚錢依時盡數散到者
克減要的要肚皮的監察廉訪司官人每体察者萬戶千
戶百戶每船戶等推称船隻壞了也麼道使見識盜案官
糧的余要的不揀是誰陳告者若是寔呵元告人根底名
分賞與也被告人根底依大休例裏重要罪過者委付來
的官人每自的其間不提調管民官每不用心好的萬戶千戶百戶官人每好生謹慎成就勾當呵生体覆

呵有罪過者委付來的萬戶千戶百戶官人每好生謹慎成就勾當呵更添名分賞與也者不幹濟壞了勾當呵要了罪過罷了者其餘合行的勾當依着在先行來的

聖旨体例裏交行者別了的有罪過者道來更這海道都漕運萬戶府官人每這般宣諭了也麼道做沒体例的勾當不干碍的百姓每根底隱占着行呵他每不怕那

聖旨狗兒年十一月十五日大都有時分寫來

入廣軍船皇慶元年四月素州路奉 江西行省札付准

樞密院咨欽奉

聖旨差官與本省官一同從新整治點數軍馬体訪軍中不便

事宜從長講議咨院欽此除外本省與樞密院官議得入廣鎮守軍馬合用船隻若令有司應付並令軍人減半和催不無擾民仰今後憑准各萬戶府開報入廣軍官軍人數目合用船隻有司依數應付令軍人照依河例與稍水人等兩平和議催覓明白立約直到所指出卸出頭交卸仍禁約船戶每得高抬價例軍人亦不得指負催錢如是軍人擾害船戶總兵官追問是實斷罪外親管頭目亦驗事輕重科罪者府仰依上施行

海船阻礙官船延祐元年六月江浙行省准 中書省咨據者委官札法等呈奉省札差委馳驛前去拯治河道等

事承此遵依自通州到來臨清直至迤南金溝河頭等處
巡治得於內海船萬戶府准淮安路裝到糧船中間多有
五七百料大船內夾帶買賣船隻并一等校板船于上棚
立綏鎗旗號挽先行進壅塞河道將各人量情斷訖罪犯
有各人執把差引文憑已追到官看詳凡給文引棚立綏
鎗旗號鑼鼓俱有定例令左翼屯田萬戶府鎮撫所等衙
門違例擅給與萬受楊忠等文引將行駕大船于河道內
將官民船隻阻碍溢滯不能依期赴都除將綏鎗旗號責
付各該地面官司收管申解外今將追收到官各各印信
文引粘連在前宜從都省遍行照會禁治施行具呈照詳

得此送據刑部呈照得至元二十三年十二月行臺咨承
奉中書省札付樞密院呈行樞密院咨鎮守龍興萬戶
府申見管軍人內逃訖杜林薄興李德陳義等四名根到
吳城山捉拿到官招伏就用陳提領等賚河南路諸投下
官司文字相同在逃罪犯行移按察司審斷外本院看詳
腹裏州城諸投下官司從仰人戶江南等處作買賣為由
濫放文引縱取軍人在逃使管軍容不能拘繫遍行合屬
禁治事都省議得今後諸人若因事或為商賈前去他處
所勾當經由有司衙門陳告取問隣佑是實令人保管別
無違碍方許出給文引明置文引文簿銷照外據其餘衙

門並各投下官司雖有印信無得諸人應給文引擬合遵
依前例經由有司陳告明置文簿銷照其餘各衙門官司
雖有印信不許擅行出給及行船棚立綏鎗旗號一就禁
止相應具呈照詳得此都者准擬除外咨請依上施行

公解

隨處解字尚書右三部呈奉到

都堂鈞旨送本部擬定隨路府州司縣合設解間座數目

總府解字

已有解字不須起蓋有損壞處計料修補

正廳一座五間七標六椽

司房東西各五間五標四椽

門樓一座三標兩椽

州解字

正廳一座五標四椽

並兩耳房各一間

司房東西各三間三標兩椽

縣解宇

廳無耳房餘同州
正廳一座五楹

按察司公解鋪陳御史臺呈奉到 中書省札付定奪到
按察司公解鋪陳什物

一公解鋪陳毯氍燈油床塌書案案衣硯卓並經歷知
事知法書史書吏人等公用卓床薦席

前件行下合屬依數于本路年銷錢內和買成造

應副

一按察司解署各官解舍

前件除公解踏逐外據各官解舍各衙未曾定奪

一司官分輪巡按遍歷所管地面如無馬站去處倒換
鋪馬乞定奪

前件就騎坐各州縣官員馬匹依例倒換

修造館驛解宇至元五年八月中書右三部呈奉 中書

省札付為隨路支破官錢議到事理內一款修造館驛解
宇本部參詳今後若有須合修補添造計料備細合該相
應實直價錢保結申奉到合于上司許支明文然後支遣
若有緊急須合動支不過五兩就便支遣隨時申覆

召賃係官房舍至元二十一年六月御史臺承奉 中書

省札付來呈准行御史臺咨江淮等處係官房舍於內先

儘遷轉官員住坐分明標附任滿相公交割其餘用不盡
房舍地產依上出貨似為允當乞明降事得此照得淮江
行者咨本省管下府州司縣多有係官房舍但有損壞官
為放支價錢差撥人夫修理更兼腹裏應有房舍諸人出
錢賃住所據諸人見住房舍擬合一体送納房錢却行修
補損壞去處送戶部照擬得腹裏除諸衙門公廨局院房
舍申准上司明文許方標撥及各官自來相公交代元任
官房外其餘係官宅院房舍召人賃住獲到房錢逐旋解
納如有損壞去處估計合用工物申覆合干上司體覆完
備于賃房錢內就用修補 都省准擬移咨本省照驗去

後回准咨該本省議得各處係官宅院房舍除亡宋官員
相公交割自來不曾起納租賃錢物衙院宅舍欵依已降
詔恩事意令遷轉見任官員于內住坐仍將各賃房舍間座
並在下 應什物官為知數但有疎漏令各處官司自行
修理如是任滿依上交割若有倒塌損壞着落陪償外據
倉庫廨宇等房屋如遇損壞去處估計合用工料申覆合
干部^上司體覆完備于賃房錢內就用修補其餘係官宅院
並不應占住之人驗市井緊慢去處照依市價一体徵收
房錢已後遇有合補公廨局院須要申准上司明文方許
標撥仍具見住官房宅舍處所各官姓名先行呈省並今

次初行定到今出房錢人等月內房錢數目與其餘舊出房錢之家通行依期類解今後各處府州路縣官員任滿將元交割到房舍有無損壞數目于解由內依式開寫除已行下合屬依上施行外請照驗事今據見呈都省議得不係舊來出賃門面房舍委是係官公解先儘遷轉官員依上相公交割任坐已經移咨江淮行省施行

置庫收係官物至元二十一年十一月行御史臺札付監察呈體知得亡宋歸附之後所在府州司縣係官廨宇館驛園圃亭閣各有付物不移而具近年以來遷轉官員禮任之初因而借用及去任之日私載而歸以致十去八九

殷 都省議得州縣官司禁約公吏人等無得私詣鄉村暗行煩擾非公事急速雖官司亦不差人下村必有常差遣書立限附簿毋使停滯監察御史所至之處嚴加体察仰照驗施行奉此咨請依上施行

差使無俸祿人元貞元年十月十八日中書省

奏准事內一件行省官每勾當裏為甚差無俸的人麼道監察廉訪司官拿着令史每要罪過這般說有俺商量得無俸祿的人勾當裏差使呵也無妨碍雖那般呵有過的人每休差使者除外在先曾勾當裏行來的得用的每差使每差使者奏呵奉

是也那般者欽此

額設祇候人數元貞二年八月江西行省先為本省所轄路分合設祇候曳刺牢子等未有定例移准都省咨談送兵部照擬比附迤北腹裏額數定例俱于四兩包銀內選差開坐到各該人數請從長定奪為是江南別無送納包銀擬于稅糧三石之下戶內差充照依都省坐到額設數目行下依上差撥去訖今體知各路官府多有濫設祇候曳刺人等不時將帶家丁無名之徒不問公事急緩且以需索為先擾亂官府侵害百姓又有詐稱省府祇候曳刺於隨處衙門托散人事取要錢物酒食未便除外合下

仰將濫設前項人數截日盡行革去如是本省差遣祇候曳刺前去各路勾攝公事照勘不係坐去花名就便取招斷罪

元定各路府州司縣人數

諸上路
諸下路

祇候三十五名
禁子十五名

曳刺十名

散府直隸省部 祇候二十五名 禁子一十名 曳刺六名

散府直隸省部 祇候二十名 禁子五名^{一十名} 曳刺五名

散府本路所轄 祇候二十名 禁子五名 曳刺五名

上州直隸省部 祇候十三名 禁子八名 曳刺五名

上州本路所轄

祇候二十名

禁子五名

曳刺五名

中州直隸省部

祇候十八名

禁子六名

曳刺五名

中州本路所轄

祇候十六名

禁子五名

曳刺四名

下州直隸省部

祇候十四名

禁子五名

曳刺四名

下州本路所轄

祇候十二名

禁子四名

曳刺四名

上縣

祇候十二名

禁子五名

中縣

祇候一十名

禁子四名

下縣 下路錄事司同

祇候八名

禁子三名

上路錄事司

祇候十名

禁子三名

禁約 濫設祇候 大德二年二月湖廣行省准

中書省咨

河南行省朱叅政呈軍民不便勾當數內一件游手好閑的人於諸衙門官人每根底投做總領面前祇候人江南更多有一個司縣官百十個人家根着的也有這的每義役俸錢又沒田產老小每穿的吃的都在百姓身上取有如今吃飯的人多種田人少有久已後眼不便當怎生般商量除合設底有俸錢依体例存留勾當其餘底都交罷了將荒閑地田斟酌撥與耕種呵百姓也不被擾閑人也少去也便當的一般 都有議得除額設公使人數外其餘額外投充濫設人等盡行革罷除已割付御史臺体察禁約咨請通行合屬依上禁約施行

校尉繫帶行例

見禮房二卷服色類

納物人員

大德六年五月 日江西行省准

中書省咨

江浙行省咨大德三年十一月初四日差委前杭州路人
 匠提學吳舜輔管押福建道大德三年上半年衲襖二百
 領赴大都廣源庫納訖至今不見吳舜輔繳納的本朱鈔
 並元給差劄有碍照勘咨請着落發來送工部行移大都
 路等處遍歷根尋得並無吳舜輔亦不見本人居止去處
 本部照得各處行省凡遇起納官物多委得去給由求仕官
 員及帶行無職役人等就便馳驛或坐站船管押到都因
 幹私已公事不行隨即送納致將官物停滯損壞中間事

有多端雖是交納數足却將元給差劄納護的本朱鈔不
 行還省繳納妨碍照勘以致行省咨來追尋逗遛文繁不
 能杜絕深為未便叅詳合咨各省並合屬今後凡有起解
 官物須要摘委經手見任請俸人等送納庶革前弊寔為
 便當外據吳舜輔收附一節合從本省就便施行都省准
 呈施行

差官起解錢帛等物

大德十一年正月江浙行省照得諸
 路戶口衆多錢糧浩大刑名詞訟事務致繁牧民之官不
 可使之曠闕近年以來凡起錢帛諸物無問大小輕重差
 親民正官其官廉正自守無以計屬頻受差遣者有之同

僚不協各植私黨設計差出者有之或避繁難或幹已事
自求差出者有之是皆循私忘公豈以牧民為念不惟妨
悞官事又且虛負站船分例深為未便省府議得各處每
遇起解諸項錢物合燒昏鈔常課段足軍器雜造元定限
期皆不過次季孟月十五日以裏到省今後數項通作一
運於事員多去處從公差官一員總行起解其餘事非急
切無得作亂差委長官捕盜官非奉省府明文尤不得擅
自差遣違者當該官吏並行決罰合下仰照驗依上施行
仍具依准呈省

差使回納牌面至元十九年五月行御史臺准

御史臺

咨准必閣赤分付到蒙古文字一紙譯該馬兒年四月十
九日哈兒赤北里宿的房子里有的時分

聖旨有來牌子

聖旨要了去的人到來的日頭何必閣赤每棒子喫者這般

校尉擾民至大三年十月十一日 尚書省咨

奏過事內一件閣閣出的四十個校尉穿着校尉只孫搗擾
百姓行的其間倒刺沙將着他每的只孫來說有如今差
人勝忽交拿去呵怎生奏呵奉

聖旨那般者交拿將來口子裏當軍者爾遍行文書若似這般
諸位投下投人去的交軍站裏入去者欽此

輪換公使人延祐二年承奉 江南諸道行臺劄付據嶺北湖南道肅政廉訪司申據歷經司呈准事知牛徵事牒看詳中外府州司縣親民之官古今最為要職蓋緣賢愚貪廉不一是致聽信總邪愚者愈愚中間起釁害事多因各官久占祇候之弊也其諸司公吏各有定額始初定差止驗一路一州額數于相應戶內僉撥未嘗定其某戶充某官祇應後緣一等貪饕及初登任之輩到任之初不詢地方奸弊交代之際不能以正相告虛情面付某衙祇候人某勤謹至甚公私可托其新官不思所言可否以已携老挈幼也遠千里而來家計素貧起行裝飾揭借錢物

債主隨來取還者有之訟途阻遲中路泛費昔亦有之一行車從甫適仕所因而又飢聞其付囑如渴得漿豈擇味之甘苦且解月前之急何暇審于是非有無損正害已以致此徒窺其官之所欲應而允諾或令借新債而填舊債或用錢買馬乘馱或添裝父母妻子衣飾一切所用隨手應付稍吞鈞餌權盡出于皂隸事弗由于官長一任之間言出是聽及間諜官府把持公事以曲為直以是為非欺詐百姓吞聲飲氣百端漁取雖云歸公過付錢物十剋八九莫敢形言居官至此猥瑣良可嘆哉推原其由乃因所設祇候席占各官滯固不為輪換害政如此切照各道廉

訪司設用公使人各不係親民執政尚恐久隨司官奸弊
害事已蒙憲臺立例季一調換公私長便外據中外路府
等衙門若不禁改其弊非惟欺官害民寔為有傷政事亦
宜照刷將各元撥久占祇候令衙門首領官季一標撥一
體輪換當役深為便益卑職忝居幕佐職非言責緣本道
管勾承發架閣照磨事務如斯弊病不敢緘默所言雖不
害事寔大又兼例宜歸一事宜一體如蒙申明上司遍行
諸司永為遵守庶革奸弊之一端也然此牒請照驗施行
准此憲臺相度路府州縣等所設祇候雖稱賤微其間即
係久年久役根據寔深專事一官膠固愈甚害民蠹政弊

出多端宜准所言遍行各處廉訪司一體每季一若膠輪
換當役分司所至體察究治合下仰照驗依上施行

弓手

祇候弓手皇慶元年三月江西行省准 中書省咨四川

行省咨准平章政事咨照得本省所轄路分自至元二十
七年籍定公使人戶二千四百有餘次後八百九十戶別
不曾應當一切差役本省左右司官吏人等擅自影占八
十餘戶其餘路府州縣影占者數多近來准 中書省咨
每名給食錢中統鈔一十兩催覓公使已為定例若將此
等影占人戶取勘見數應當屯田或當站赤咨請照驗准
此送兵部呈議得路府州縣合設除差弓手公使人等行
省支請食錢祇候各有定額其餘影占人戶截日革了依

例當差仍于各衙門首榜示存設革去人數姓名從監察廉訪司常加糾察如蒙准呈移咨各省通行照會相應具呈照詳都省咨請依上施行

祇候弓手充替延祐四年正月 江浙行省准

中書省咨照燕南山東道奉使呈據東昌等路狀申照得江南宣慰司運司路府諸衙門祇候首領面前多係富强稅戶之家投充按月支俸食錢腹裏首領祇候禁子包除差稅所設不同此等之人身役雖微誠為緊用不時巡尉司發到強功賊盜數內多係致傷人命重刑使禁子人等監收入禁中間情有未盡到必令監禁獄卒研窮隔別磨

問方得寔情如或詞理翻異須用獄器鞠問所補者少知輕重亂加刑法拷勘事關人命今次若便遵依替換委是新僉此輩俱係農民不諳刑獄走透事情倘有疎虞事係利害已役三年再行補替數年之際榔下細民遍為祇候誠不便益如蒙祇候人等依舊應役當差官司嚴加禁約不令下鄉勾催差發詞訟各家于內果有丁多富强之人依上交替把持官府和私奸盜害民蠹政者加等治罪似為官民兩使申乞照驗得此卑職等叅詳如准各路所申相應得此送據刑部呈議得各處見役弓手祇候首領面前曳刺管勾人等為是害民已經呈准予相應戶內從新

補換去訖若以三年一次交換數年之後鄉村細民皆為
皂隸起減詞訟紊亂官府公私不便以此叅詳合依已行
盡數交替三年役滿不作過犯者依舊存設曾經斷罷革
閑及已前勾當之人不許再用如違犯人痛行斷罪當該
官吏量情究治如蒙准呈通行照驗相應得此咨請通行
合屬依上施行

